

居處

厚德

恬退

文際

報德不報怨

處患難

君子小人

出處

休致

樂善

濟婚葬

奉法

教育

義命

謹慎

後自敬言編

御

目錄

居處

交際

君子小人

樂善

教育

厚德

報德不報怨

出處

濟婚美

義命

恬退

處難

休致

奉法

謹慎

後自警編卷之七

居處

光廟時金政丞國光構茅于長興洞以茅舍宏侈被劾不復入
政府其茅後為沈一松宅余屢謁一松觀其制作甚低窄今
日權貴之家不知其幾倍加也而人不以為侈侈可以觀世變
矣

活溪記聞

洪文宣公貴達有茅在南山下就高燥葺茅為亭縱橫數丈扁
曰虛白每公退則幅巾藜杖嘯咏其中若遺世者自罷官之
後益不喜人間事嘗有詩云山雨松風亦厭喧然而一時朋
舊慕仰風采輟蹄沓集公又矐然相對閒擲放懷投壺賦詩終

日善諛見者不知為黃閣之貴

名臣錄

權公歛手平生不治家業位至顯達自奉無異布衣時居茅茨隘不容旋馬有勸其改卜荅曰先人遺宅於某是矣

墓誌

金安老秉權日構別墅於漢上當時咸言其奢論安老之罪者必以此亭為案其後鄭丞相構亭於其側其制作之侈階砌之美百倍於金亭而人不以為議宣下流而衆惡皆歸歟抑奢儉隨世道污隆而人之所不能違歟必有辨之者

涪溪記

尹月汴根壽喪訖之後未有家舍夫靖公捐貲買與之公不益治所居寢室不施屏帷床第敗簷短椽不庇風雨恬然處之

成惺元子敬為報恩縣監成運先生居俗雅山下先生構草堂
未緝子敬以官本手往畢其功成聽松聞之語一儒曰縣監
以官本手役私家私家亦怡然受之何耶其儒以朱晦庵精舍
事告之聽松曰必有是未安矣晦庵謀構精舍按撫使聞之
將以官力營立晦庵曰若然則吾寧不立精舍矣聽松此語與此事
正合然余又論之按撫使今之觀察使也為一道主動一道
力為一精舍誠未安矣若守令則非觀察使糾掄之比也以
其餘力助一草堂何害於義古人有創築室廬而居隱者不
聞後賢有非之也然聽松安於義命雖一介不予恐有苟且
之憂是聖賢兢兢業業克己全成之事固非常情所測也後

學同當敬守而無失也

前言往行錄

栗谷先生雅好山水曾於栗谷舊業脩花石亭故址後改築石
潭精舍一室圖書玩心高明養以冲恬之趣積其靜一之功
自是學益精行益脩道日益尊名日益高從遊之士日益衆
講劇之暇時與冠童婆娑水石詠歌自娛蓄然有出塵之想
一切世味泊如也

行狀

李文忠公元翼常時杜門獨坐人罕見其面凝塵滿室若無睹
柳西厓未見歎其素性之澹如也

名臣錄

牛溪與宋雲長書云鄙人拙計每思人生強半餘日幾許唯當
汲汲之居數間茅屋一架書冊酣飲其中粗窺一班道理是

為至切至重事宣合奔走道路求田問舍費了殘生雖使清
溪白石環繞門前何益於身心道德而日月如流棄老穉至
目而溘死空負一生者多矣願兄毋如叔獻之易其言計也
沈文貞公喜壽為相三年未有室廬上嘗命召公有司不知
公所以聞上異之命出廐馬賣馬買家以賜古今所稀聞
也

行狀

卷之四

一

...

...

...

...

...

...

...

...

...

交際

柳文貞公觀嘗自言朋友固有通財之義然慎勿干索可也求而不得則在我未免有缺乏之心在彼亦有愧恨之意交情自此而踈矣曷若不求之自若也

行狀

黃翼成當國之日金宗瑞累為兵戶判書每有一事錯失則翼成窘折訶責或咎奴或因丘同列皆以為過而宗瑞亦甚困為一日孟相問曰金某一代名卿公何捃撫甚耶翼成曰此乃吾王成宗瑞也宗瑞性亢氣銳作事果敢他日居吾等之位不自慎重債事必矣摧折警勵俾其飭志持重庶不臨事輕發吾之志也非敢相厄孟相乃服後翼成乞退舉宗瑞自

代云 識小錄

洪泰判逆童未等時出遊方載渡船有一豪士率从僕十許人或挾彈或携獵狗鞍馬鮮明呵呼而至見洪馬僕盡歐逐下船洪獨乞曰某亦良家子請留一隅屏伏以俟其士登舟从人各捧饌物而進其士且啖且叩舷吟曰水鳥浮還沒未記其對久之洪乃躍出曰山雲斷復連士驚曰汝為何人應拜曰生負洪逆童士即携手並坐聯句極歡目為厚交士乃沈善也

諛詞瑣錄

曹彥亨為端川郡守姜渾為咸鏡監司曹與姜少時竹馬交既長亦不衰曹性嫉惡好善不能與世俯仰由銓郎至執義屢

跽屢起常見姜在廢朝所為憤疾不置丁卯戊辰間在端川
聞姜按節到郡遂治行具戎家人備濁醪一甬吏未言監司
將近禮當祗迎曰甬病日將昏以紺色直領曳分套率一奴
携酒甬直詣上房外呼曰渾之何在姜聞其聲急起而開門
迎謂曰吾在此吾在此極有欣慰之色曹旣坐未寒暄先曰
天寒子可飲遂自取大盃以飲之而無肴姜亦自酌而飲過
三巡曹曰子之前日所為狗彘不若誰食其餘子在少時聰
慧敏給以為可交宣知挾小技行身無狀至於此極乎生不
如死之為愈也僕欲貽書絕交久矣而故舊之情猶有戀
且欲一見大責之後絕之也今已相見矣我當明日去矣更

飲一盃又連饋三盃姜低首無所言但終始垂涕而已明日
曹遂棄官而去後至判校而終則南冥先生大人也其義氣
激揚之風蓋有所自云

寄齋錄記

申文景公用溉鄭文翼公光弼為金石之交文翼登對中廟

謂之曰卿有友歟果何人也對曰臣無友也惟有申用溉一
人而已後日文景入對中廟又問之對曰鄭光弼乃臣之
友也上曰卿二人可謂知己之友也已卯之歲文景已卒
人以為文景若在必能鎮定使無變也文翼亦歎其早逝使
我獨當此變也

寄齋錄記

任靜容權嘗示予小錄其一曰尋見親戚若朋友相對叙所當

言則辭主若願留則留不爾則出恐主或有緊事而難言令
容去也其二曰明舊若有疾病雖往見問亦不宜或數或久
對凡人病調攝稍失或致重苦則必云歸與某接轉至於此
是則以尊意往而反致恨惱也其三曰見人有物切勿當面
求借主或擬有所用而不許則嫌吝許之則缺用有所難處也
仍戒之曰石三語乃王父訓戒而曲盡人情者先君嘗提耳
以教之凡諸後孫敢不銘于心

丙辰丁巳錄

容齋觸忤於時時革詆之目為誤國奪憲長職時韓公世桓判
天曹僕為叅議被旨急詣填其代時禍方不測人皆駭惧士
論訛訛判曹從容竟差除對官僚語無一言及是事又無憂

駭之色如不曾聞者亞曹與僕相自言事有激於中者在吾
輩不能不發口判曹慎默真不可及然一席之間肝肺相照
之地頻懣焉而竊復疑之及容齋退去鄉里為終老計無舊
業可以資家口判曹有田在傍近令田舍奴收獲折其輸入
與容齋每秋以為式但致物而已不曾通一書以問訊又不
曾道其意以示疑乃知其心以為區區慨憤無補而祇益禍
唯施心貺不必外事虛文云爾後又時輩所譽薦與其所詆
斥多兩裁抑人所不能者公獨能之不旋踵以不循郎謫殫
去人但見公遜慎無它而不知其勁植乎中者又如此矧與
容齋有同科第接乎素之泛而非雷陳膠漆之葛乃於狼狽

漂窮之境能捐家有以施之斯事猶聞於古人者而罕見乎
今之世也

龍泉談寂記

寄齋雜記云王父被罷退在南陽山黨忌其在近遂挈家啟陝
川陝川距京都九日程也嘗與金二相先準為別交金有一
奴善走一日能行三百里時誤或有及於王父者則必以此
奴通之三日乃達以為常一時以為朴某與金叔藝氣味不
相類何嘗永炭之殊性而交契如此不可知也

南冥一時名士如聽松大谷東洲黃江松溪皆為知己友成恭奉
虛郭司諫均交契亦厚二人死於乙巳每念之未嘗不流涕
與人語必嗚咽哽塞至死不忘與三足交道最深嘗以天下

士許之三足家富其卒也先生視之三足念先生貧乏遺令
諸子歲遺之粟若干以視先生先生不受以詩復之曰先
亦不受此人劉道無所以胡康候至死貧不言其辭受之不
苟又如此

東儒錄

退溪之於南冥既同時同庚同在一道而終未得會面云宣言
議有出入而然耶不然古固有尚友千古千里命駕者抑又
何也

畸菴謾述

成惺先子敬天性豪邁勇往磊落行之以酒狂人莫能窺其蘊
也成運先生隱俗雅安靜怡淡琴書自樂曹徵士掇中植嘗
來訪山中子敬適在座及至相會建中與子敬初面接話親

契有若旧交同歡數日建中將行子敬預設餞席于中路獨
追而送之執手泣別曰君我俱中年各棲異鄉更面詎可期
耶成子敬未幾下世矣

前言往行錄

獅文郎公希春與人交見義無盡終始持一心不變金河西隣
厚同門友也以生負在泮淶時疫人莫敢視幾至死域公時
為學論聞之亟詣所寓躬調湯藥日夜看護河西賴以起終
身感焉及公流竄人無與為婚者河西以其女敗于公之子
人而賢之

行狀

金大司憲繼輝與沈青陽義謙比屋情分甚厚自戊寅以後沈甚
孤危詆之者取顯仕救之者斥不容如李山海最所相好者

而匿其往還之迹反倒戈以擊之公歎曰沈在朝行事別無
罪過而有扶護士林之功何可以人言而有間於平生子待
之如初此雖於公為末節而其不以榮辱動其心可見矣

行狀

李士亭著蔽陽子服麕布衣芒鞋徒步踵門而求見南冥先生庶
子次石入告先生即下階迎入待之敬士亭曰先生何知非
樵夫野人而迎接之至此耶先生曰子之風骨吾豈不知子
東陽師友錄

重峯先生初與李潑交李待先生甚敬先生時至李家或升堂
拜母後李擠作牛渠先生絕交不相通問者累歲及己丑遂
微起李母夫人尹氏亦被拿先生過諸途伏謁路左尹氏初

不知先生也問何人先生荅曰我是趙某尹氏乃大哭曰公
何自來見我也吾兒曾用公言宣有此事予先生亦痛哭曰
以毛衣一襲進之曰日寒如此此物雖陋願備行資及尹氏
登程先生泣而送之山回路轉不見然後乃止迨既而李妻繼
至先生又以一襦與之相泣而別

童峯先生為岷州教授時嘗請益於牛溪先生質問周易疑義
未幾改官辭去後以身靡祿養孺復至溪上函丈之分可謂至
淺鮮也而先生之所以事之者誠敬備至蓋有古人師弟子之
風焉先生少牛溪九歲牛溪每回辭補蒲待以執友而先生
亦終不敢當也牛溪先生嘗有家奴以事過先生居者因附

書候寒溫先生聞書至徒步出門親受其書迎奴入命坐於
廡內呼家人促其食食至先生親與其奴對餐奴竊視先生
盤中所設與己無異先生之意蓋欲賓之也

以上遺事

清江與人交必意氣相許一輸以肺肝則不復有所愛節急人
之急憂人之憂有古人所難能者然見有傾巧以赴時貪邪
以失己者則心疾而面攻之不少恕

行狀

朴大司憲應男性不喜交遊所善思庵朴公淳南峯鄭公芝行
存齋奇公大升相磨以道義終始不貳間一善言及過失必
移書以致勉戒比諸公至必閉戶講論信宿乃罷一日在朱
子書得格言走告南峯讀書有得不可獨見欲與故人共之

嘗曰吾與柳眉庵語博聞強識則有之義理深處終未見釋
然之論惟明彥終日言必無礙滯而至其精微亦多相發往
李退溪入都時雖屢往來質疑拘於公務未克盡吾意當一得
休沐南畝極論於陶山之下竟未果也存齋亦曰吾友中唯
柔仲讀書多有所得非流輩之可及又補唯柔仲可堪相業
行狀

秋浦整容端坐望之肅然而即之溫如吐露誠款人未拜者亦
皆滿意而畋或以禮敬過分為不自安云先人嘗曰先生在
都時未都將補名入乃中人之老者也以其分微自來座階
而先生必整衣冠起居而迎之蓋敬其老也村人有饋魚蔬

者則不却而受謝必以米豆筆墨重償之云

秋浦集金部事
雅所記

芝峯類說曰責善朋友之道也前輩相處必以過失相規以道義相勉吾猶及見之自時習一變以言為諱朋友之除亦無規諫之風嗚呼古道今不可復矣

南溪託聞云近世交道之終始不變者絕無惟栗谷牛溪二先生及漢陰白沙兩相而已栗谷以幼時神童長而學同文章大鳴一時世無當其意者惟見牛溪德行出處可以逾已遂力薦于朝終身無所貳漢陰德光早成人儀之如鳳麟瑞世主於中朝詔使及日本人頗得一見真異事也然知白沙才氣英傑非已之所及者每當國論事必曲從沙相之言往

往不謀而合。君子曰：牛溪鰲城固賢矣，求若梁谷、漢陰所就之難也。

樂全漫錄云：辛丑年間，守夢鄭公曄在廣州村庄，聞流言作長書詰之。先君笑而受之，俄而守夢顯，拜入朝，頌加拜氣。先君又不辨曰：「朋友貴相知心耳。」君不知我，則從此可絕交也。鄭公愧服。

丙寅罷榜時，行言有謂此論發尹相昉家。先君聞而驚訝，即貽書于尹相子等，以為流言，未必的似不當。問先君曰：「此雖流言，行於世間者，已是恆事。吾聞而不通于尹相，則阻碍之心也。朋友間固當如是耳。」上同

疎菴交遊甚廣初只博求泛愛二十五六歲時私戒隣友某曰
士君子雖不可有朋黨然素交不可不擇須默觀熟思擇其
善者而從之自是益親近士類名卿耆儒無不降禮與交遊
大學八九年疾惡場善談辨風發同輩憚之

言行錄

疎菴言行錄云自壬子以後邪議朋興平日號為士流亦多濡
跡公一切不與交其在奉安士大夫東南行者莫不造詣其
廬公心所與者則就其館答謝其所不與者則雖大官視如
行旅奉安寓舍南村有韓姓人舊公親厚登第後附勢驟顯
橫甚嘗因休暇還鄉屢造公致款公謾謝曰放逐之衆不敢
踵名士門庭以冒世嫌也一日公省墳還過其亭下韓臨視

呼曰茂叔整八公曰吾未夕饑不遑也韓曰此有飯願暨八公麾謝遽去韓大恚欲構害之會其敗不及

吳揪灘允譙以大臣薦除平康縣監在縣五年境內大治時寒岡鄭述為關東伯巡到江陵謂府使曰吾到平康必扶縣監曰何故方伯曰此人自稱儒者簿書不及期會事多遲滯以此欲杖之曰公到縣不問是非梓八杖之則可若與之接話則不能杖也方伯曰宣有此杖及到縣即招八公舉止端雅言辭詳敏隨其所問剖析如流方伯不覺心服引入房內促膝而坐達夜談理喜曰真金玉君子也及還江陵謂府使公言果然船存鏡湖到湖心而歎曰恨不與平康同舟府使曰

此何難哉以公事招之當即到方伯從之留數日待公至更設宴湖中盡歡而散

名臣錄

洪忍齋曰往還書問不可不繫日而性率者一切不書張文潛每見親友書無月日便擲於地更不復觀云又先輩言雖尋常書帖必須緘封不然則涉於不敬此可為法也

上同

君子小人

君子小人

大司憲南在上言近君子遠小人此人主之至德也君子在側則仁義之說道德之說常接于耳薰陶漸染日進乎聖明小人在側則卑辭甘言之請有時而得行邪媚詭詐之謀有時而得成日就乎掩晦此古今治亂興亡之幾也願殿下日接

羣賢議論治道無使群小婦女得以日近

上御夜對讀大學行義至漢元優遊唐代姑息叅贊鄭光弼
曰優遊姑息乃人君之失改漢唐之亡皆由優遊姑息也在
聖治之世一小人在位一君子在野若不闕於治體或至陵
夷則一小人可以止國一君子足以興復進退賢邪所關甚
重尤不可不慎也大抵人君好學宗社之福也然徒學其文
不體其實則終無益也必擇其善者而從之不善者而改之
然後為得也後又以同知經筵入侍朝講至春秋齊桓公
事奏曰桓公用管仲而齊國理用豎刁易牙而亂君子小人
進退實關國家治亂是日拜禮曹判書

靜菴先生曰大抵常人其心果善則必思慕人善而欲見之其
心不善則其遇善人必畏縮而不喜相見余謂斯言信矣然其
不善之中其柔弱者則畏之而其強忍者則必忌之以畏忌
者之心安得不加害於君子乎為君子者其能免小人之禍
難矣

芝峯類說

趙靜菴學問純正志行高潔為斯文領袖為吾道寄托遭遇

中廟信任不疑自以為千載一時於吾身可親見堯舜旁招
野賢同志彙征如金淨金湜尹自任奇遵朴世燾李紱金安
國金正國之徒布列朝廷昵侍經幄知無不言無不盡痛杜
私途廓開公道教士以修己治人之道教民以孝親敬兄之

倫敦濁揚清革滌遷善四五年間風俗丕變矣奈何羣兇不
逞狙伏旁窺卒成貝錦一網打盡嗚呼痛哉

東儒錄

南袁為柳子光傳甚有巧思於史禍一節尤模寫如畫可謂曲
盡其情態矣有人題詩曰畢竟肺肝誰得似不知身作傳中
人

芝峯類說

袁之赴燕也韓忠為貳行至遼陽有人先行偶失所持物件韓
曰可以拾給南曰彼之得失何預於我而必欲拾給但當觀
之如無見也二人持此兩端所見爭其是非遂成嫌隙蓋袁
以猜狠之性堅執謬見賢者固當嫉之如讎然君子之待小
人但當不惡而嚴何必乃爾易曰見惡人無咎

野史之說

金安老之子禧尚仁廟妹封迤城尉安老驟陞甲申以更曹
判書專權自恣政府六曹舉劾其罪遠竄後回公主移配豐
德或見安老曰何不以調停已叩之意交權兩沈乎然則權
位易致蓋沈彥慶彥光兄弟欲引用已叩人顧無其援安老傾
心納款然後使妻黨正言蔡無擇倡言東宮孤單須金安老
乃為之羽翼大司憲沈光彥信調停之語隨聲和附舉朝靡
然獨司諫李彥迪力言曰觀其處心行事真小人情狀若得
志誤國必矣彥光乃言於朝曰彥迪在朝安老不得入遂劾
罷之安老既得志壬辰癸巳年間朝廷有收用黨人議先赦
流配人唯金絳朴薰生存蒙放則安老族金謹思且折其已

發之公論廢錮之有甚於前日矣至丁酉尹安仁承內旨大

憲梁淵大諫金希說劾論安老許沆無擇賜死

黨籍

金安老手姿端妙終日端坐不動望之如冠玉然脫所着衣服則無一指痕但舉眼時妖態可掬識者預知其為人及其敗

露果然

上同

丙辰丁巳錄曰咸陽叔父發言處事必慮終始先君嘗曰士防吾之師也中廟朝金安老亂政李相擇之率六曹啓之先君往見叔父曰除去小人國之大事余在宰相之列不可不同叔父曰小人無恥必勝而後已况無可恃者乎以吾料之必無成也先君曰吾意亦如此飲醇醴而還已而諸君果敗

所謂叔父者任咸陽捷也捷之為人雖不知其詳以此觀之
決非君子人也位在宰列目見小人誤國當奮不顧身盡言
殉國不計利鈍成敗可也雖顛沛而死其榮大矣胡銓朱雲
之徒亦豈能為必勝哉盡臣責而已矣必占成敗而言則是
乃小人持祿固位之計非君子以身徇國之義也吾於此錄
有感焉

荷譚野乘

許沅阿附金安先行若拘疏常於經幄垂潯言曰臣許琮之孫
也庶不欺負甚矣小人情態如此韓敵公不獨有仇曹也

丙辰

丁巳錄

李文純公滉之乞退也上引見問所欲言對曰我祖宗深恩

厚澤功德巍巍但士林之禍起於中葉廢朝戊午甲子之禍
不須言矣 中廟朝已卯之禍賢人君子皆被大罪自是邪
正相雜奸人得志報復私怨之時必以為已卯餘習士林之
禍連續而起 明廟初冲權奸得志禍不忍言矣臣以已往
之事言之者欲為將來之大戒也且自古人君初政清明正
人見用君有過則諫之有失則爭之人主必生厭若之意於
是奸人乘隙而逢迎之今新政之初凡所諫爭皆屈意從之
無大過矣久而聖心或移安保其如今日乎如此則邪正勢
將相分而奸人必勝矣唐玄宗開元天寶之初治雖一君之
身而行事如二人者其初與君子合而終與小人合故也上

常鑑戒乎此保護善類勿使小人陷之此宗社臣民之福也
東閣雜記

明廟既委任元衡元衡威福既盛莫之敢撓則又引李探使面
元衡探之於元衡所爭者權柄也一小人而雖除而一小人
又入則小人何時而去耶上同

柳西崖成龍敗後李爾瞻南以恭又相求勝宣廟惡之并黜
欲用士流時鄭昌行遶銓相上察問其代在尹梧陰梧陰以
沈喜壽應之奇自獻知其幾日叩先君外示披露之色欲因
先君求擬於白沙先君却之暨士流當軸鄭守夢諸人待奇
甚薄先君每言待小人不可已甚未幾自獻果從左腹進諶

士流竟敗守夢最被齟齬

樂全謾錄

白叅贊與許磁為隣交契甚厚許得異味必以分知白貪也密
啓初下人情泓泓大憲閔齊仁大諫金光平等受元衡風旨
蹤跡詭秘莫保朝夕許請白具夕飯問曰明日臺諫將論密
子有老母奈何白曰既許身於君安可顧私許多般誘賁白
竟不從許歎曰明日子必死矣白辭出許執其手曰明日是
子為君子我為小人之日也由是觀之小人之為小人人
亦自知之矣

涪溪記聞

栗谷先生六歲自江陵外家隨父母入京七歲著陳復昌傳略
曰君子積德於內故其心坦蕩蕩小人在蓄乎內故其心長

戚戚余觀復昌之為人陰懷戚二陽欲蕩蕩使斯人得志異

日之患庸有極乎時復昌未及顯用而適在此隣云

行狀

朴退菴應男壬申復拜大司憲李相浚慶臨終上劄以破明黨
為說繇此上下疑阻公即啓論其未安之意并寫朱子與留
正書以上復召對進曰自古人主惡聞明黨之言故小人
欲禍士林者必以此為嚆矢蓋近來一二年少之人欲為聖
朝恢公論格君心以展布其所學顧大臣專務安靖以此展
轉相激至於今日遂使人主孤立於上自生惑亂而亦莫知
恤惟殿下察焉上曰私相朋比故迺孤立無助耳對曰
君子以同志為黨其引進善類將欲共畜國事期臻至理是

以聖主不患其為黨而唯患其黨之不多不唯患其黨之不
多必引其賢臣以自為之黨然則何憂乎孤立仍陳小人情
狀且引時事反復不已 宣廟為之虛心傾聽稍稍釋其疑
東儒錄

芝峯類說曰君子小人只在義利之分而世間一種人周旋於
二者之間欲為義而宗牽於利欲為利而又不能去義屈曲
遷就費盡機關雖不可謂無狀小人亦豈得為立脚君子乎
況出八二者之間而畢竟為利所勝不免小人之敝者多矣
可不戒哉

治世者君子之幸而小人之不幸亂世者小人之幸而君子之


不幸也。小人之遇治世，不得行其志，似為不幸。而其遇乱世，志滿氣得，專權怙寵，不至於破國亡身，則不止其所謂幸者。乃其所大不幸也。然則治世者，固君子之幸，而亦小人之幸。乱世者，固君子之不幸，而亦小人之不幸也。嗚呼！小人者，母以遇乱世為幸，則幸矣。

上同

戊午年，余以督運使在海西。一日，監司李德潤要余共訪南以恭于謫所。會話從容，南曰：「相知間所見，不可異同。」鄭澈何如人？
余答以清忠峻節，近代賢相也。南問于李德潤，李答曰：「吾知鄭某非小人也。」南曰：「今公何以知之？」李曰：「吾嘗聞諸黃思叔。思叔每言鄭某踈脫無邪慮，決非小人。思叔吾所敬信。」

之人以此知鄭某之非小人云

李刊書商吉所記



樂善

纂尊錄云先公樂成人之美聞寧有民徐文者遭母喪廬墓三年其父先母死已三十餘年悼其時身稚未能持服移父骸骨合瘞母塋又居三年公以為慎終追遠為士者尚或未盡文以隴畝之人而如是焉其哭踊奠享之節未免於徃情直行而其至性有可嘉也即具報于監司監司云文雖如是無特異之感應不可以聞諸朝先公歎曰必待孟宗王祥而後為孝子則今之世又焉有孝子乎乃復其戶

孫贊成舜孝好古樂善為關東方伯凡於孝子烈女之間必式而過焉自原州向橫城十里之地大路之上有鹿朝元宗亮

孝子碑出巡之日適雨濕路淳公至其下下馬以蓑衣鋪地而拜之

松窗雜記

金大憲繼輝於人雖小善必揚而稱之其過失則必放過而不甚非之善善長而惡惡短公所與交並第一名流皆以才俊自喜而獨公好賢下士若飢渴苟有學行者則必與為友誠心許與接引親賓門無停客有識者服其義不肖者懷其惠

行狀

曹南冥疾革諸門人侍生先生曰我非學者平生多俠氣但濟以學力耳量狹而才小似不能當大事但愛人好善欲得許多人各付許多事我却要退坐為其無才故也

東儒錄

朴思菴得晚興牛梁兩先生之為莫逆交嘗聞牛溪入城喜語
人曰吾王不亦為豪傑之主乎密密結網得牛翁來矣時傳
以為美談

名臣錄

鄭栢谷崑壽樂善好賢禮遇士類其有德學行義為一鄉所推
服者必紆車就訪亦或期會於溪山佳處雍容晤語咨訪諄

悉
行狀

崔永慶曾從曹植遊清介絕世非其義也一毫不取事親甚孝
親歿傾家以葬遂致貧窶家在城中不事交遊人無知者里
人中皆稱固執之士而已安敏學相訪聽其言覺其異言於
咸潭曰吾里中有異人而不知也今乃相識盍往見之潭入

城委造烏叩門良久有赤脚小婢出應入門則芳草滿庭俄而永慶出布衣破履寒色蕭然而其容嚴重有不可犯者坐而語無一點塵態渾甚悅既退語于白仁傑曰吾見某人還時忽覺清風滿袖矣

栗谷外集

栗谷先生聞人之善未嘗隱見人之惡不欲揚與人和氣藹然亦未嘗私語樂道人之善不求備於人故賢愚善惡咸盡其誠或譏其信人之過先生笑曰彼既以誠求我何忍不以誠待之乎

別集

申兄用晦言李公潤雨栗谷門人也受學最久及先生歿又去事寒岡公後謂人曰當陪侍先生則如入春風之室不能一

日而難其座余亦自不知其何也雖愚蒙之輩一承顏色莫
不誠悅而心服焉又曰寒岡大教采谷慕好不淺嘗見白沙
李公所撰采谷碑文嘆曰儘是好文章茅形容叔敏之學豈
可如是凡率之甚乎蓋其意以得任中郎之責為懽云

張谿谷雖聞人之善惡為之誦道雖疎逖卑淺苟有可教之才
則必誘掖而成就之樞衣請益戶外之屨常滿

謚狀

教育

柳政丞觀雖貴為政丞無怠於教訓諸生有求聽講者不同其

某子等必諄諄教之故門下學徒甚盛

青陂劇談

金文長公鉤金文長公末金大司成洋皆博通經史尤邃性理

學同時選授胄監誨人不倦作成有效人稱之曰金而洋

先逝兩金皆年踰八秩官躋一品俱謚曰文長謚法博聞多

見曰文誨人不倦曰長其得此謚宜矣

華苑雜記

尹提學詳時為胄監之長學問尤精諸生爭先趨衣絲分縷析

耳提面授終日矻矻不知倦今之達官聞人皆公茅子也國

朝以來為師範之最

名臣錄

金文長公求有一女無子嘗曰聞聞千眼者得陰報予自筮仕
以來五十餘年未嘗不帶學官職教誨不倦卒無後嗣豈非
予荒蕪偽學未能德於人耶

莘苑雜記

彞尊錄云誨人不倦雖愚駘撲鈍者必諄諄叩兩端令開悟而
後已教童蒙先入之小學使之從事愛親敬長隆師親友間
以涵養其本源然後許就他書故其教不煩夏楚而人樂於
學居廬鳳巖鄉人爭致其子爭結書齋於廬側先公朝夕奠
後讀禮罷為之講課每遇事生送死之處輒嗚咽潸泣授業
者為之感愴及三年皆成材焉

金江湖行蹟

關北距京師復遠人不知學監司李繼孫始立學規聚道內子

茅之穎秀者教之經史鄭公蘭宗結其後以為人不學則無
以知親上死長之義乃目前法而益脩之豐其餘廩嚴其程
課課暇日則躬詣學舍閱其藝業能者獎之自是列邑之人
皆興於學登第者輩出詩書之習至今不衰公之力也

碑銘

安判書琛以教化自養士始所至必以興學為務其為大司成
教養誘掖皆有課程患諸生食堂陋隘斥以為廣又患學宮
興闈閭相逼收糞洞口民居撤之以西洋水為限及為平安
道觀察使設作成庫以贍學廩至今猶遵不廢

名臣錄

六鎮僻陋舊無文風鄭公汝昌誨鄉村子弟疊疊不倦居數年
門生三人聯中鄉試有高宗傑者後來登正德丙子進士為

為北鄙倡人皆稱汝昌教育之功云

東儒師及錄

栗谷先生曰生子自稍有知識時當導之以善若幼而不教至
於既長則習非放心教之甚難教之之序當依小學大抵一
家之內禮法興行簡編筆墨之外無他雜技則子弟亦無外
馳畔學之患矣兄弟之子猶我子也其愛之其教之當均一
不可有輕重厚薄也

擊蒙要訣

牛溪先生見其有志於學者則輒隨其人才品高下而指導之
必依朱門旨訣以下學人事為主以師友講論輔翼之其說
平淡慤實循循有序賢愚俱獲其益未嘗敢為高奇玄妙之
論以誤後生也嘗就朱子書語中抄出要語以示學者題曰

為學之方謂粟谷雖有高明問世之才而著書差早可以為
戒而不可效也今此抄錄非敢以著述自居也只欲拈出朱
門為學為教之要令諸君遵守而眼膺焉

東儒師友錄

權文忠公近嘗赴京師道遇兩假郵吏笠帽既還之訟公不還責其直公不較而與之後有一郵吏冒認毬彩之夫責其直公又欲與之使臣字羅知其誣鞠郵吏乃曰此人前不較與直故敢爾非失也字羅罰其人

筆苑雜記

黃翼成公喜在鹿李為積城訓導自積城向松京路遇一老翁牽兩牛一黃一黑者而耕焉方脫耒耜息於林樾之下公亦休焉於其側與翁相語問曰翁之兩牛皆肥大而壯索其耕治之力亦無優劣乎翁趨進附耳低聲而答曰某色者優而某色者劣矣公曰翁何畏懼於牛而如是隱語乎翁曰甚矣

甫之年少而未有聞也畜物雖不通人言人言之善惡皆知之若聞以已為考而不及於他則中心之不平豈異於人乎甚矣甫之年少而未有聞也公聞之不覺矍然其平生謙厚之量自翁之一語而成鹿氏之將止君子之隱於耕稼者翁其一也

松窩雜記

涪溪記聞曰尚成安慶以檢閱罷飲秣馬于裕川地隴上有翁牧二牛公曰二牛孰優翁不對耳三問之始不對公深恠之公既上馬翁隨而後數十步密復於公曰向有同即前奉對者緣二牛眼後歲久不忍作言故也其案火者為優公下馬謝曰翁是隱君子也其教我以處世法美遠眼膺而勿失自筮仕至顯車未嘗忤於人云此事或補黃翼成或補尚成安兩記各異未知孰是

崔貞烈公潤德以二相兼平安道都節制使判安州牧使公務

之暇治廳後隙地種菰手自鋤之有訴訟者不知是公乃問
曰相公今在何所公給曰在某所入而改服聽決烏有一村
婦泣而訴曰虎殺妻夫公曰吾為汝報仇跡虎手射之剖其
腹取其骨肉反即裹以衣服而棺埋之其婦感泣不已一州
之人至今慕之如父母

青坡劇談

義尊錄云初赴高靈閱軍須縮三千餘斛先公曰若申聞于朝
前官當陷賊罪吾何忍為吾若大藩間不殿則雖不橫歛於
民何有於數千即解由遣之自是縮即衙廩裁減冗費賊獲
皆食以䟽糲訖五年得充其數其不欲危人如此
一日休告宗直自成均退皆定公問曰館中有何事對曰聞兵

判安崇善以受人賂連繫義禁府公愀然曰安公受賂雖鄙
然情狀未白且君子也宰相也汝童子何故斥其名乎非敬
長之道也吾不願聞

上同

先公娶子家女必問其世族與否家訓之有無媒妁已定則難
間之言不能入也初宗直聘于曹門三年未真鴈人有以曹
門之貧為辭者云必即雖非曹門豈終鰥者乎蓋改卜他家
先公輒斥之曰古人有言昏娶而論財蔑虜之道吾子與吾
婦若好合則今日之貧賤安知為明日之富貴乎况納采已
久雖未同牢吾子即曹之婿曹女即吾之婦何忍中革

上同

申天忠公叔舟嘗奉使日本回還到我境不及數里忽遭颶風

未及艤岸衆皆蒼黃公神色自若曰大丈夫當遠遊四方以
蕩襟懷今涉洪濤見日出之鄉足為壯觀倘乘此風得泊金
陵飽見山河雲物之盛亦一快也時刑還孕婦在舟中衆曰
自古孕婦行船大忌宜投海以禳公曰殺人求活於德不
祥強止之俄而風定

金文平公守溫官至極品處之淡然如寒素常騎馬瘦骨崢嶸
旬月之間連喪數馬或曰何不使掌馬者殷勤養遘則嚴
加捶楚乎文平曰安可為畜物而罪及於人乎其慈仁如此
以上筆苑雜說

李相國克培資稟虎厚持論不苛細務存仁恕待人接物一以

寬大聞有亦人之短者則輒不悅曰獨不可取其兩長耶如

公可謂厚德君子

碑銘

李文簡公承召為禮曹判書一即官日飲無何公務多闕同列者
欲黜者文簡笑曰許丞多時耳聾重聽長官不忍絕之今即
官雖長醉然醒時亦多又何廢為

筆苑雜記

容齋李公一日乘軒車向闕有儒生裴珣步過於景福宮碑

隅隱軀而窺之公以袖拭淚兩目皆赤生恠之甚行見有人

當刑始知公乃泣辜也聞者曰公之是心即天地好生之心

世之不知公者雖罔曰不愛物豈可信哉

行狀

陰崖李籽與韓忠南袞奉使燕京袞偶罹恙韓忠疾其奸無意

救療陰崖曰此奸死無所惜然萬里同行豈可坐視其死而

莫之救耶乃調藥以濟之竟得不死

野史之流

鄭天翼公遠竄于金海府府與東萊郡接境乃公之本貫而始祖墓在焉公略備酒果令子茅往而拜掃時武夫為縣令者聞之欲媚於安老乃大言曰鄭某以罪謫居是乃庶人只可祭其考妣而已豈可遣其子茅祭遠祖於越境之地乎多發健卒舉杖驅逐使不得接跡公之子茅等在境上望而祭之而還縣令以鄉所等與罪人同心容護子茅其罪亦重搆以他事送關於京所請遞其任其冬安老被死公乃還朝復為京所堂上而縣令之論關猶在公以為賊主闕文不可久滯即

令徒其所指而適送縣令之奸譎有甚於懷德之倖而公略
無辭色子牙等亦不發言故朝廷不能聞知至改品陞職終
保爵祿公之盛德真不可及也

松窩雜記

靜庵趙先生為憲長公之同年進士有不悞於家室者欲出其
妻遣所親之人撻去之義未稟於公公正色答曰夫婦人
倫之始萬福之原所關至重婦人之性陰暗無知雖有所失
為君子者當教以正使之感化共成家道此是厚德如或未
盡於表率之道而遽欲去之不近於薄乎况此一家倫理間
事外人不敷容議商量自處可也聞者歎服公之厚德類此

慕齋性無表襮至誠愛人初與安老甚切及安老作事不滿人意公每規責之安老知公諒直亦不之怒及當國公兄茅首還朝安老持被詣公家宿公聯枕語規切甚至思齋旁卧蹊其足勿語公不知曰汝未睡耶真持我股思齋踊不更止及敗誅公謂思齋曰安老之奸人誰不知吾兄弟既與之交厚慎無言其惡也每以食物饋其家人以為難

識小錄

尚成安公不喜聞人過聞之必先探其心求其可怒之道又必求其長處聞人之善必揚譽不已或有偷盜者必反憐之曰迫於飢寒不得已也還給其贓曰汝若飢寒須來告我慎勿復然

名臣錄

尚相國震為人寬厚度量弘大平生未嘗言人過有一人短一
足客以為言震曰客何言人短處宜曰一足長當世以名言
稱二相吳祥少時詩曰羲皇樂俗今如掃只在春風盃酒間
震覽之而歎曰余嘗多吳生以為終大成何其言之薄耶即
下筆改之曰羲皇樂俗今猶在春風杯酒間四字之間
氣像懸絕宜夫吳之名宦下尚一頭地也

於野談

李孝翼公俊民始登第有一相識在史局者尉薦公及其為銓
郎衆論咸為公偶望宜先入銓而其人不得薦引後因事廢
家有老母貧窮甚公分祿俸及便養之物惠遺不絕乃歎曰
吾有友如此而不知權用宜矣嘗以廩白薦武一人其人作

牧耽羅送一駒於公公受而畜之久之適飲來謁使人牽入
其所騎馬乃歎段也公曰武將不可騎如此馬吾有馬合於
武士即與之其人後乃知為其所送駒每服公德量公之處
事多如此

行狀

鄭林塘為湖南御史暗行詣瑯嶼至碧波亭故為遲遲托以日
暝停宿津邊津民偵知其非常之行走報官門主倅領各掌
該吏通宵整頓文書以待無有一毫未盡翌晚乃緩緩渡江
入郡只得公需銅匙數枚而還郡守竟坐罷職或問其故林
塘曰郡在絕島倅亦武夫必多法外橫濫手段若直抵官衙
搜捉文簿則彼必抵死余所不忍聞者服其量

續玉露

梧陰相公燕居余適侍坐時夜將半有哭聲起於隔牆李尚中
家相公使人往見之還報曰唐兵據入主家乘夜撤毀蹂躪
以備樵爨之資守直婢僕力不能禁號哭矣相公急招通官
之居近者分付往禁之傍有子牙曰鄰家唐兵之據害何可
一一禁斷予言不見聽而受辱必矣相公曰是何言耶李忤
家事其可越視耶子牙默然通官據理喻之其家獲全相公
沒後余過尚中言及此事尚中感德為之流涕曰吾淚豈為

數間屋耶

上同

栗谷庶屬年少者來遊文房竊取重器子牙點之過一旬栗谷
復呼其人待之如初子牙以為不可栗谷曰彼必改過不須

永柔也

遺事

栗谷先生三歲嘗見人渡水而躓幾危人皆拍手先生掬抱柱
注目憂形於色其人獲免乃已其仁愛之心天性然也 行狀
重峰先生有臧獲在某縣累世不知人有告先生者先生徒步
往問之適值慎公彥慶以使命到縣慎是先生故相識為發
官人拿致其奴奴不認為主詐稱世本良家慎公怒榜笞數
十奴不服先生見其楚毒良苦心不忍乃謂慎公曰此漢果
是吾奴則雖重杖以死可也萬一不勝拷掠而自誣為奴則
劫良為賤大不可事涉疑誤不當強服姑停刑訊以情問之
可也慎公大笑曰有是哉子之透也此奴累世逃橫厥罪已

重今見公無勢位可畏故欲僥倖苟免雖用重杖尚不肯服
况以和言問之寧有首案之理乎先生猶極力止之慎亦不
能強也一坐皆笑先生迂闊先生乃招其奴謂之曰汝果良
民則如此可也不然而叛主冒良則罪案在汝爾亦人心爾
可退而思之其奴唯唯而去翌日先生與慎公同坐其奴與
其老母及子女輩扶携詣官叩頭流涕謝曰累世叛主奴罪
萬死今又主以赤心溫諭如此天日可畏宣敢終始背叛乎
慎公乃驚服曰官家往刑不如公一言之德嗟歎久之

遺事

牛溪先生嘗與客坐外堂開窓相對有村民騎馬過百步之內
者先生即手闔戶以避之故鄉居五十年上下安之無有毫

髮怨尤者 遺事

白洲李公明漢在江都賊追甚急有相識者艤船江口公望見
赴之其人舉棹不顧而去後有問其姓名公曰吾已忘之終

不言 碑銘

報德不報怨

後自警編卷之八

報德不報怨

河浩亭裔為醴泉郡盡私郡妓絕淫無忌當殿最之日都事論駁浩亭之咎將置下考時金湊為監司止之曰觀河氣像非久屈於一邑者也姑且勿論遂居上第其後湊與於定社之亂勢甚危急湊妻跪於浩亭馬首曰我是金某妻也浩亭力救得免

補齋叢話

潘城君朴嘗拜司憲御史鷄林尹柳公亮嘗以事辱公公不為屋至是朝廷以柳公潛結降倭令司憲治之執政意公有宿怨必無平反及公上臺柳公

輒俯首流涕吏執案詣公公投筆大言曰非辜陷人吾不為也遂不署柳公得無他後為政丞謝公曰亮誠小人也

行狀

思齋擴言云癸酉年余為獻納李貳相繼孟為平安監司時曰早年飢毀之者語余曰李公別構大樓于德巖上制宏役鉅民甚怨苦余聞之恐不實又聞於西來人則大槩畧同余意前之語余者信人其言一人猶足取信後聞相同此必然而無疑議於院僚駁啓平壤遊觀之所最多甲於我國不須別構樓觀且年飢民困尤非急務請推之即允下又命適之後更聞之則只役遊手官屬架數椽小

亭未旬日而畢云其傳聞之誤如是李公肱次豁
然待後進傾倒雖毀駁交加略無纖芥之嫌猶嘉
獎敢言之士未久公為叅贊余以檢詳往謁公第
余以往者做事錯誤心猶未懽遂巡謝罪公置酒
開懷大笑語余曰聞主張論我者爾也此則聞之
誤也寧存形跡余嘗素歎爾昆季之志節益勵無
怠猶稱譽於先進間其視一遭論劾怏怏怨憤輒
思中傷者氣像不侔矣

李繼孟性放達不拘行檢己卽士人以是短之自知不
足於時論退居金堤田舍及禍起以公為懷怨汲
汲援進欲同嫉黨人引還為贊成公略不留嫌每

以搆害士林為不可倡言於朝欲為解錮之計為
當權者所忤以老成重望雖不顯斥而僅容於朝
慨念時事憂懣而卒

思齋撫言

白叅贊仁傑晚登筭以正言拜昌平令為老母日設
宴遂得不治誚監司崔輔漢黜之崔曾被劾於白
人多言其報復仁廟初崔以國恤挾妓生癢
明廟即降大赦崔復叙臺諫將論之白時為獻納
不可曰崔之挾妓出於風聞難知其真君子勿為
已甚何可復錮人於聖世崔遂免崔深懼白之
逞驚憾而白坦然不以為意崔甚德之密啓禍起
臺諫異議者多死白首罹于網而得免者崔之力

也
野荷潭

鄭文翼公為群小所構罷黜于懷德縣朝夕甘苦有
所未具一日官人獵於前山脫死之鹿投入於公
之所寓之籬子牙等以為天賜而共逐捕之設饌
進之主倖聞之以為罪人偷食進上之物亦有罪
也發差徵之立門督促既不能山行而得之又
不能買之於場市舉家惶惶莫知所為適公之親族
作宰於隣邑者偶送一肩從其所持之人納之官
而解其怒及公還朝朝廷聞之斥黜其倖公以為
門蔭之官怵於權勢而亦出偶然非其情也不宜
深責力護復叙而終不得也

松窩
雜說

李文剛思鈞翫翫不肯與時俯仰不容於己卽士類
出補全州府尹及趙金等被罪召拜副提學時輩
意思鈞必懷憾於彼人而進用之也及來辭職曰
光祖等被罪事臣不能詳知必是欲為善事而
不能無過中憎疾者多而然也又伏見傳光祖等
之教竊思之自上若知此人等只為國事而無
他念則其罪當末減而不減恐上心有所疑阻
而然也賞罰雖加於匹夫若有僭濫則大累君德
也古人有一言悟主者如臣無狀安有回天之力
乎敢辭上不許思鈞非徒不附袞等之論救光
祖等甚力正言趙琛擊去之後為吏判又忤於金

安老除慶尚道監司安老方為相出餞於興仁門外思鉤聞之由崇禮門而行其倔強如此雜記

樂全漫錄云先君嘗言思不可忘怨不可不忘許判書箴金判府晬蔽於時好皆嘗擠斥而先君不少介懷兩公晚乃覺悟與之交懼趙挺檣先君於死地者而先君無幾微色挺之就獄當訊也左右論議極峻而先君力救出之

出處

盧恭肅公開身長九尺狀貌魁梧不苟言笑自少經濟自任不親家事及其為相務存大體不事苛政未嘗有違世矯俗之行廬風峻節土芥金玉出於天

稟嘗謂人曰人生仕已出處皆天也仕出何欣已

處何戚當順受無慕

名臣錄

許大提學誠貪位慕祿老而彌銳為人嗤笑曾不省

悟可鄙之甚也以吏曹判書丁憂終制而拜本職

一日忽覽鏡愀然不樂因授鏡曰吾不知吾之老

至此也辭職不出年六十餘

青岐
劇談

鄭斯文鵬善山人倜儻有氣節嘗在廢朝以校理論

事杖竄靖國後即召還除校理諱病不赴又除

欽納召之又不起累除不起後又除校理召之明

輦勸就黽勉赴召未幾還諱去累除不赴人問其

故曰息命繼續不得已強意赴朝頗有驚心之事

不如退吾田里安之吾心故耳又問有底驚心事
也曰吾以校理拜恩事八閤諸承政院門前有
帶犀宰相前立而背面余逡巡驚畏屏退而立俄
乃回顧認其兒即洪景舟也問其職乃贊成也余
忽驚心奉身而退無意仕宦也最後朝廷知其不
喜仕宦于朝以青松府開僻除為府使赴任卧治
成昌山希顏少與相善時為領相通書問訊仍索
栢子清蜜鄭荅書曰栢在高岑頂上蜜在民間蜂
桶為太守者何由得之昌山媿悔謝罪後又歸
田里不仕而卒

思齋
撫言

金正言大有自經已卯之後屏居雲門山中翛然自

得不求聞達開戶端坐時或出獵與虞人并坐獵
較既分盡與隣人不食其肉嘗曰年過六十壽已
足矣捷司馬登薦科歷別臺省佩符治縣崇亦足
矣朝夕之供不徹酒肉食不可謂不足遂以三足
名堂而自號及聞有復官之命促裝不齋糧而行
或曰道遠糧絕何以結之公笑曰國家起我輩於
久廢已為除拜縣官自當繼食到京可受厚祿何
憂糧絕人莫測其由一日馳往百里謂其徒曰習
閑已久遽作遠行我疾作不可以行遂乘輿而返
仍不出門而卒

名臣
錄

林石川億岭卓犖不羈登第後不喜仕宦屢為清顯

科文忠公淳丙戌乞暇旣浴於寒泉上遣中使宣

醞于東都門外特賜胡椒虎皮公因卜筮于永平
縣白雲溪上絕口不道時事蕭然有出塵之想日
事釣採間以吟嘯村氓野老挈榼相就欣然對飲
若將爭席學子來講輒忘寒暑所居有拜鶴窩二
養亭白雲溪清冷潭吐雲床蒼玉屏及散襟青鶴
白鶴臺等名彌興至或一馬一僕放迹山水漫遊
金剛白雲等諸山傲然忘歸

狀行

竊聞前輩長者論乙巳名賢莫不以河西為稱首蓋
以河西見幾於急流中不踈終日而得為元祐完

人也

河西附錄
象村集

明廟末年南冥驛召入對于思政殿上問古人非
 三顧不出草廬者何義也南冥對曰此諸葛亮之
 事也料必不敢當故爾然諸葛亮經營幾五十年
 僅成鼎足未能興復漢室則其才亦未可知也云
 余時以右史入侍目覩為蓋南冥屢徵不起故
 上以三顧為問而南冥之對亦以不敢當為辭

江清說

奇錦江孝諫終身隱約少無怨悔再從兄承旨苓詣
 公勸之仕甚勤公曰素性不喜芬華不願為浮名
 所使受人鉗勒也蓋是時去乙巳末遠林李餘燭
 猶未盡熄公常歎賞老先生有鳳凰翔于千仞底

氣像而乃以彌遠。仇胄不能下手處斷之。則公之
自決其出處已審。此其所以後世隱淪不求聞達
者。豈無其意哉。遺事

退溪先生在鳳城。君收議時。隨例著署。即日辭退。當

時。物議有未厭者。然先生豈怵禍而為此哉。莫是
夫子微眼過宋之意歟。野史之流

退溪先生晚構精舍於陶山。以為願神養性之所。其

器。自得之趣。備見於自撰詩記中。非他人所能

道也。又製陶山四時吟及十二曲。極言閑居味道

無窮之樂。以寓其懷。蓋將以是自老而明宗晚

年。今上初政。眷注甚重。旌招番至。先生感然如

不自容每一召命之下一爵秩之陞必披肝吐
膽引義據禮以達其進受之難朝廷諒其誠懇或
適其官或不任職蓋以慰安其意而冀其必來也
先生亦以君臣義重諭旨懇切或到京師而亦未
嘗久留蓋其一進一退一去一就如權之稱輕重
如度之度長短錙銖必察不失尺寸非俗人賤見
所能盡知而亦非可以易而論也故嘗舉胡文定之
語以告人曰人之出處語默如寒溫飢飽自知斟
酌不可決之在人亦非人所能決也

墓誌

嘉靖乙未年間洪忍齋遣為吏曹佐郎許沅蔡無擇
等方與金安老締結作威福沅力勸安老之子金

祺薦銓郎遲不從語觸沆沆構捏成獄鞠于殿庭
杖幾死長流興陽金吾卒押行到公州錦江杖瘡
甚鮮血模糊於衣裾見者避之時有科舉南方士
子駢聞上京相值於津頭有一士子年最少相貌
堂堂揚言於衆中曰吾聞洪遲乃士類今者無罪
杖流必是小人當國亂政也吾輩安用應舉於此
時盍相與從此回鞭予遲在卧輿呻痛中聞此言
不覺心神灑然徐問其姓名乃林亨秀也

東閣雜記

甲戌

四月粟谷歸鄉里李山海曰君欲退則只辭病

而已可也何必於絰席啓達于粟谷曰只呈病

狀事甚模糊山海曰君既出處以義勢不可在朝

如我者既以世俗糺糊自處只得保位而已崔永
慶曰君之決退無乃不從容乎栗谷曰半歲遲回
宣不從容乎永慶曰自處當如此奈時事何栗谷
曰自處未盡而能救時事者未之有也松江聞栗
谷辭官曰自上若誦洗耳之句則明日便可引去
先時栗谷入侍經席自陳多病不能從仕之狀
上曰病若如此則亦無奈何矣仍誦古詩曰洗耳
人間事不聞青松為友鹿為群隱居豈不樂乎山
海松江之言蓋由此而發也栗谷聞之曰季涵過
矣我以在朝無裨益故退耳豈以此詩之故乎以
此決退明日即去則此小丈夫悻悻之事非我心

事也。朴思庵以書勉留栗谷於簡尾書杜詩曰安
危大臣在何必淚長流

栗谷外集

壬辰車駕至臨津江邊上問左右成渾在何處兵

曹佐即李弘老指近崖小村曰此乃成渾所居

上曰然則何以不出見我予弘老曰當此之時渠

豈有來見也上領之弘老曾往來於渾所居慣

知其相距之遠近而乘時構陷至此卒叩黨禍之

起播紳斥逐渾亦以鄭澈親友時論極峻朝夕禍

及方在候罪中愛初不能赴詣闕下一日其門

人金長生謁渾渾問曰今聞大駕西行吾之進

退何以則當於義乎長生對曰先生官高恩隆不

可退在田里似當詣闕扈駕。渾曰：吾意則不然矣。吾以山林之人被徵而起，初非科臼中奔走職事之人。朝廷之待我，亦非尋常祿仕者。況今方有論罪之舉，不可自進於班列也。大駕若果西行，則唯當哭送于路左。如蒙顧問，隨駕而行，不然則退死山谷，未為不可也。此渾素定於中者，如此而為人所誣捏，終為禍階焉。

再造著
邦志

濟婚葬

彛尊錄云先公友愛萬至有妹適奇氏早寡夫人之
孤先諱先明撫視之如子勉令入仕奇夫人居開
寧家貧有女不能嫁先公具幄帟牢酒歸之士族
又令諸里拈壯而未嫁者給裝使嫁之凡邑中有
喪葬若婚姻必親為之弔慶焉縣距善山才二十
里故籍同鄉之義多來丐乞者必語之曰浚民膏
血以市私恩吾不願也君等憫吾俾免罪戾苟以
婚葬來請則無不與之

栗谷先生有一同姓八寸妹產於賤類而貧乏無依
先生平生不見其面有一他族語其故先生時為

吏曹判書即散俸祿常護恤及聞其死乃能叩哀
潸泣親至其閭凡喪需極其備而葬之又服總麻
而終月隣里之人交口稱道莫不歎服

事道

樂

全漫錄云先君年十六與李公晬先定交又與尹
公光遠常與之同榻甲午尹公遽擢歿於客邸時
丁兵燹無殯殮者先君與李公經紀其喪返葬先
塋先君又為文表其墓

鄭

叅判協天性仁厚待人接物都是一團和氣幼時


嘗見路上丐者寒凍幾死即脫綉袍以給友人正
字崔公範捐世窮無以為措以其嚴府軺軒所籍

虎皮賻之以助買棺亦麥舟之義

竹窓
明語

李永興壽俊常別儲喪時賻物欲談義庄如范文正
故事曰自號志范宗人及亡友遺孤養如已出婚
娶以時為妻喪辦石灰數百斛人有欲葬其親者
輒與之及將用家人問之則曰彼既急而貸我何
忍求償吾已忘其名矣

碑銘



容齋李公為應教時燕山主欲追崇尹氏極其徽號
議于廷皆曰允當公與同僚獨議曰追崇之典於
禮已極今不可復加燕山大怒下獄鞫之將置首
議人極刑或有冀免者力辯不已唯公順受無一
辭兄弟親戚爭勸其自明公曰死命也安忍移于
人以偷生子初燕山誅戮朝士無虛日公前後逮
繫杖配極慘酷親戚見之無不泣涕公未嘗一出
怨言人皆曰必不免公亦不動心讀書不輟人或
止之公曰朝聞道夕死何憾

行狀

癸巳金安老執政鄭文翼公光弼又罷相安老据據

公禧陵揔護使時事喉臺諫發論欲殺之上

命竄于金海顛沛百罹少不介意時李相苻亦謫

閑西安老貽書二公曰觀朝廷意必不相貸莫如

早自決也李苻放飲成疾而卒公笑曰朝廷以老

臣有罪朝夕誅誣則當伏國典以一礪百可也况

死生有命彼焉能殺我哉略不動心遺事已卯祿

金新齋振宗乙巳忤權奸罷還舊業也妻三寸鄭順

明要臧獲于夫人許以免公於禍公責夫人曰約

財而免禍於小人豈丈夫所為乎終不免竄謫東儒

師友錄

崔烟村德之太宗五年登科選入史局歷玉堂臺閣
屢典州郡皆有成績嘗以南原府使退居靈巖永
保村扁其樓曰存養文宗元年召拜藝文直提學
明年冬告老而歸同朝鄉士賦詩贐行以高其志
者甚衆辛未癸酉之間國家多故先生之舉誠若
炳幾保身者然以此稱其明智名臣錄
蔡公壽見一時朋儕凋謝殆盡而卿相以下皆後進
晚輩班行無可省識乃嘆曰少年知遇食祿已四
十餘年榮幸已極不去何為遂退歸咸寧村舍老
焉舍南有斷峰臨流斗起就其頂構小亭名曰快

我日與子侄群從觴咏為樂措紳間往往為詩文
賁咏其事而補慕之以為名遂身退今世一人而

已

碑銘

許

誠侗之子也能文章善彈琵琶退居豐德村墅騎

牛簑衣蓑笠以釣魚為樂成廟屢召為承旨副

提學等職然未嘗終數年淹也南秋江常評曰誠

奇士也為人磊落不羈恬於勢利有許氏風烈云

丙辰

丁巳錄

松堂朴英初登武科為宣傳官一日燕山手射成廟

所養鹿兒帶箭流血而出松堂即日謝病歸田里

當時見幾而作惟松堂一人之野史

禹公益善志氣雄毅智慮淵深臨機應變勇氣奮發
撫愛士卒得其死力所至有聲績若夫冰蘖之操
出於素性屢鎮名藩榮輝一時兩親俱在受其養
者三十餘年及其晚節乞身勇退優遊終老國朝
以來一人而已

名臣錄

金河西隣厚人品甚高學問文章皆超然自得早退
休仁廟在東宮嘗器之及陟大位首召之既至
上晏駕因歸家屢徵不起鄉里薰其德而善良者
甚多梁松川應鼎氣蓋一世見公則不覺屈服敬
承其警歆莫敢出一言既退必歎嗟彌日曰厚之
今之顧子也

魚斯文得江字子游居嶺海之晉州有文學雅致自

登第後皆乞外郡性恬退絕意仕宦朝廷以華要

召之皆不就構小屋于山川之間絕去家累只率

小僮一人略具朝夕之供淡如僧居

思齋
據言

李

公賢輔服除拜刑曹叅判上章乞骸骨不允稱疾

請浴買舟東歸一時搢紳傾都出餞賦詩以贈公

性本恬退不樂榮利曾於宅邊構明農堂壁畫歸

去來菴家居者十有四年由嘉善而陞資憲正憲

躋于崇班身退而秩進在野而朝御蓋以三朝嘉

其恬退獎忠誠尚節義優老之恩典也每有一命

控乞辭免朝廷不許輒有廢論之寵公歎曰臣子

辭免無時得請何以措身於義安之地乎雖常帶
職而一不受祿明廟甲寅大諫鄭公裕啓曰李
某國之耆德今雖退老體力猶健請加諭召上
下書褒美使乘駟赴闕公上箋辭謝卒年八十

九

名臣錄

宋三宰純為吏曹叅判與許贊成磁協心薦賢忤於
時貴竄于外凡五年自是常有棄官歸來之志其
庶叔與公昵者每曰外居宰相吾見出自西小門
者未見有從南大門而出者蓋仕宦于京者至死
不去故云然公每嫌其言其自開城納節而歸也
庶叔者送之江許公臨觴語之曰吾乃今得出南

大門笑

識小錄

（The following text is extremely faint and largely illegible due to fading and bleed-through from the reverse side of the page. It appears to be organized into vertical columns, typical of traditional Chinese manuscript format. Discernible fragments include characters like '笑', '錄', and various other archaic script characters.)

洪涵虛貴達為京畿監司有內嬖家數以非道干請
不得願遂構諸於內流于慶源公與家人訣曰我
是咸昌一佃卒致位宰相本非吾所有成亦自我
敗亦自我今只是復吾舊耳亦復何恨乃怡然就
道尋令逮赴京獄行到端川承命官馳至授一策
書于公開覽再拜曰上命臣死矣從容四顧神
色不亂遂就縊名臣錄

一蠹鄭先生謫鍾城七年處之恬然無怨悔言色虛
靜自守有固窮之節初定庭爐夫每使臣入公館
輒執燃火之役甚恭

東儒師友錄

金省庵孝元己丑之歲金吾請拿鞠事將不測輔德
公急走人夜過鐵嶺而報之自判官以下莫不驚
惶失措公方聽民於龍興館徐曰金吾即未到之
前預勿令大夫人知之判官奔入以慰公略不動辭
色仍與之爭鵠一府咸歎服時以文書間連坐者
亦多嵩陽公請搜去文書公不許曰死生在天豈
可藏匿書札以苟免耶書冊紙牘亦不令易置曰
不如此則欺君矣上燭其妄特令勿問公感泣

遺事東儒
師友錄

清江為北道兵使臨行余作詩以戲之曰約束羆熊
老黃卷推移文字作長城蓋以羆熊自況而文字調

公也公見詩呵詰曰徐小儒何敢乃爾遂極詆而
別及拿下禁府時論勃鬱罪將不測親戚子等
皆潛泣隨行論者謂公曰必無生理余於道次候
之公握手莞爾而戲曰今日遂成小儒之先見也
又問曰聞讀綱目已到幾篇因論讀史節目數語
略無戚容頃之顧謂獄吏曰此非我久留地可速
就囚乃與親舊歡笑而別此可見其氣像也遺事白
沙所撰
韓西平名在遺教中削去仕版及賊決承爾瞻意
旨廣為誣引逮捕四出公自德源被收是時禍焰
甚酷人不自保被逮者或枝辭以自解公素與金
惕男不相能且有事可證親戚皆勸之曰宜以實

置辭公曰死生命也賣人以苗免吾不為也竟不
從光海親鞠問狀訖即放歸田里是日出歸西湖
德謹村庄伯氏叅議公棄官杜門已數年矣相對
甚樂曰與子侄討閱經史談說義理暇則飲酒賦
詩從容閑適人不知其為處患難也

爾瞻少受業於原川君秋浦黃公自處東床與之相
從後矚其心術之慮不復往還及光海即位公以
舊從於兵間誠勤遇知又因奏請準封之勞致位
上卿上下倚信爾瞻還自龍灣欲結歡於公亟來
見溫言謔笑以示親厚公不服謝時公之儕輩適
為銓曹大小宰爾瞻未為諫長大小宰業已應之

而同僚有以為須某公見許乃可也大小宰偕來
見公具傳僚席之言公不答大宰先去而小宰留
必欲聞公之諾與之終日且言其善公終不答強
問之則乃曰取舍在公何必見問小宰嘿然而去
遂殘其語有瞻大怒形於言色子牙輩皆危之勸
公一往以解公曰素知其人之不測欲往見而心
難強耳遂與之絕至是醞釀大獄陰嗾賊豎而誣
引又囑鷹犬而顯攻搆捏罪目必欲甘心合司力
爭八十餘日若非光海保全之則公幾不免矣爾
瞻知光海意厚慮公或復起且重公名行冀其結
托累遣所親緩頰曰公雖負我我不可以負公自

上數問我以黃某實有是罪否此死生榮辱之樣也公自今與我同事則我當白上辭之如此則不但免罪官爵自如也公謝曰深荷故人拯濟之念然身在死罪中豈敢復有意於世事而為希冀之言乎冒利苟全亦故人之所賤也爾瞻又送言若遣子牙則可議紓禍子牙泣請一往見公曰我置死生於度外久矣吾家子牙豈可側跡於奸人之門乎終不許爾瞻大怒論罪愈急其臨死生不動也如此云

年譜

尹相昉當廷請之日開戶不出時議甚峻子牙潸泣勸出公笑曰吾病寒五日不汗汝輩當如之何竟

不出

樂全漫錄

沙溪先生光海初除翊衛不就尋拜淮陽府使授授

鐵原癸丑獄起先生庶弟被考掠死尋戮尸論以

大逆先生當緣坐道然曰禍福命也非人力所偉

免會法官言不宜緣坐事遂已

名臣錄

休致

致

魚直提學褒甲與申穡甚友善相約曰吾等事君盡

心苟得名遂須歸養老親及入集賢殿上恩稠

疊未忍遽離輦下常恨歸養之晚每歎曰事君日

長事親日短及得腰下蹇濕證即呈辭願就家鄉

浴溫泉治病上教政院曰此人終必可用然既

欲治病安敢止之待病差速啓之公乃行至昌寧
家作詩曰謝病歸來一室幽荒涼草樹古池頭若
余豈避功名者只為慈親不遠遊後申穡累官叅
判謂公之子翰林孝瞻曰余與乃翁密約歸養乃
翁能決意而歸余則負約多慚權贊成隄謂人曰
我國辭爵祿者止二人許判漢城周與魚某也公
既辭歸父母俱存諸茅無故朝夕甘旨日以娛悅
親心為事朝議惜其行義授金海府使不起又以
知司諫徵之竟不就以終

東閣
雜記

李左尹潔暮年謝病家居不受祿大臣沈連源尚震
等白為奉朝賀受祿以終其身厥後李府尹彥憬

年八十欲得奉朝賀吏曹以無前例不許其不曉
事甚矣按吾學篇曰皇朝之制凡乞致仕者不限
年聽京官七十外官六十五致仕乃養廉恥之道
也我國士大夫年至退休者絕少而至於奉朝賀
法典所載而亦不舉行可歎

芝峯
類說

八 溪君鄭公宗榮有謝事之志壬午四月請致仕欲
歸田里至於再啓優答而不許秋又遞判中樞
自此以後唯以勲職家居嘗題詩曰周流六部今
成老端合田園退省愆又題韋蘇州詩於座右曰
身多疾病思田里有流亡愧俸錢又題韋世康
之言曰祿不須多妨滿則止年不待暮有疾便辭


其止足之意如此已丑春將歸原州田里時當夏
祿命家人勿受曰平生國恩深重宣可臨歸又
受祿乎遂上劄乞退傳曰祖宗朝舊宰退老則無
乃有恩典乎考啓政院考之不得請令戶禮曹廣
求書啓竟未得為以退溪李先生辭歸之例援
以啓之則答曰是則當代祖宗朝舊規考啓該
司累日博考而亦不得為既蒙允許人咸曰公之
去誠稀世之事特命給馬上欲引見而聞不
得行步至欲令子茅扶持以入勢有非便乃教曰
見卿劄子具悉謝意欲為引見聞卿難於行步故不果
乃賜阿多介一節胡椒一斗且遣中使宣醢子

漢江樓命一行子牙族親及餞送人負並為入叅
書其姓名以啓自闕下至漢江道路聳觀老吏舊
卒填滿車下多歎息泣下都門外祖送之盛至於六
曹回文廢衙而會焉郊頭車馬不可勝數既還鄉
黨親戚莫不提壺挈榼佳山勝水娛樂歌舞殆無
虛日

碑銘

七十致仕法也而祖宗朝以來致仕者蓋鮮大臣
請老則賜几杖而已近世宰臣致仕者唯八溪君
鄭宗榮領府事沈守慶鄭琢寧原君洪可臣外無
聞焉

東儒師友錄



大司憲洪興忠貞公應之弟即吾先大夫外曾祖也
不由科第歷陞承旨方伯而進及為都憲極論任
士洪奸邪久必為國家禍又劾韓明澹恃功弄權
之狀風采巍然朝野震懾人不敢干以私公學李
陸為隔牆居甚相善李方構新室植柱於礎井井
有度公以赴衙道上呼謂其家人曰歸語乃公國
有常制若一毫有踰當論以法衙罷視之則盡毀
而斬之不敢違尺寸其正直方嚴如此而又能內
剛外和雖至賤之人待之必歡洽嘗遇天旱民間
禁酒甚嚴有醉姬七八人抵掌短歌亂舞而前欄

公輅下曰進賜進賜此不好乎何禁酒也公笑曰
好哉好哉當弛禁也甬等勿濫觴以傷財一市中
舉嘖嘖不已其後田霖為判尹行過王子檣山君
家駐馬呼其主役者曰間閣多少高下尺數自有
其法甬如憚死慎勿踰也今暮當再過為既暮其
人迎謁馬首曰多者輟之長者斷之不敢犯法也
公叱勃徐謂曰當初既違制固不可饒但已遵行
姑竢後日方可通治前罪其人頓首喏喏而退洪
公偉人雖不足言田公武夫臨官用法無所吐茹
其時朝廷紀綱之尊人物氣像之大視之近世結
構于霄彌亘一里割削正衢迺樹垣墻而人莫敢

言吏莫敢呵者何如也

寄齋
襟記

韓清誠致身為刑判衙仕甚勤郎官不堪早暮頻厭

苦之其族侄韓健時為正郎暇日往候從容語曰

魚咸從世謙雖晚仕早罷尚無不可尊叔何自苦

如是清誠再額之徐曰咸從道德文章俱優雖懶

於聽斷猶有可取者在吾與爾他無所長謹守所

職不亦可乎吾之所志如此健慚而退

忠敏
公錄

崔應教溥羅州人也與正字某俱受由下鄉相距十

五里一日正字訪應教於家語間應教曰君騎何

馬來耶正字曰駟也應教曰國之所給止于君家

自君家至吾居乃私行也何至乘駟歸朝應教

啓此意罷之正字未辭於應教則曰若君年少輩
後當操心可也 祖宗朝士大夫奉法友朋勸勵
服義可以想見

前言往
行錄

昌山成公希顏為小官時已自剛果不撓其叅刑曹
時館儒士見辱於賤隸聯名請誅而其隸乃時首
揆慎相奴為左相李廣陵之婢婿也刊書韓致亨
難於決治病不出廣陵之茅克墩造公第者再稱
病不見兩相方怒一日赴朝堂兩相語侵公公即
於會中出白曰衆儒士見歐於一賤奴罪當誅也
此乃國法不當貸宣敢為相公撓改乎不然則當
啓知自退也兩公愧而遜謝四座咸竦懼公色不

動退而杖斃之其果斷若是

識小錄

李贊成諱生長豪貴而性儉素不脩邊幅自筮仕及
歷大憲為觀察使及三曹判書執公不撓閔節不
到嘗為刑曹判書知敦寧府事成世明有私囑公
嘗鄙之及逢於闕庭世明進揖又欲致款公揮而
絕之曰宰相敢區區何足示人世明幾仆地其質
朴無文奉法不撓多類是

名臣錄

裴公三益為海西方伯病革子牙勸進牛肉以補虛
羸厲色却之曰持一方之憲而敢自蹈乎子牙勸
歸公曰何必死於妻子之手乎吾既委質於朝死
職職也死生有命命可逃乎至死諄諄惟國事無

一言及私

石臣錄

栗谷先生凡係禁令守之甚嚴常不食牛肉曰非惟國法食其力而噉其肉非仁也時朝家中明其法犯者至於徒邊先生曰國禁如此尤不可犯自是

雖於祭祀亦不用為

遺事別集

鄭政丞琢以草莽登第拜校書正字直宿香室文

定稱制將供佛命取香於香室公曰此是供郊社之物拒不從文定大怒命下吏物議多之名聲藹然歷敬清顯為人溫恭雖奴僕犬馬未嘗以惡

言詈之

東儒師友錄

謹慎

成廟昇遐之日城中士大夫巨族多有婚媾者或乘朝而往或當午而往或若不知而往其後事覺皆抵罪竹城君朴之蕃武人不解文字前一日是醺子之夕賓僚畢至忽聞大內疾劇乃曰君父不豫臣子何忍私行婚禮遂謝絕賓僚而返之時有議者曰儒林反不如武士可歎也已慵齋叢話任判書由諫天性謹慎每以盛滿為惧遇微疾輒乞解諸子得一官增一級輒愀然不悅曰無已過乎諸子善承厥志迭處顯要而未嘗少以名位加諸

人
名臣錄

洪文僖公彥弼為領經造子景憲公暹為知經

造一日館吏來請明日入侍公偶然許之曾不思

文僖公之入也翌日詣闕則文僖公先入見公之

入多有不平之色公不勝悚悶而無可奈何東面

作頭相對入侍矣罷出而文僖歸第如痛疾病不

使謂見而歎曰父為領經子為知經非但所

見盛滿自上以為如何父子之榮極矣吾為此

懼家譜

忍齋洪公暹官雖顯未嘗乘軒一日偶乘而出因詣

文僖公宅文僖公自外入見其軒跡使人取其軒

懸于門上默然不問公更不敢乘軒惶恐竢罪矣

久而後下其軒而送之曰父乘轎子乘軒於汝安
乎深藏而勿用也

同上

奇錦江孝諫器度寬大喜怒不遷一日有洞居常漢

過門不下馬一座驚恠皆欲重治公止之曰此漢
平日不如是而今敢以無禮犯衆坐必是喪性死
且無日慎勿浪加刑杖以召後日之憂俄而其人
去未數百步忽墮馬折項而死皆服公之周慎

遺事

東儒師
友錄

退溪陶山精舍下有魚梁官禁甚嚴人不得私漁先

生每當署月則必居溪舍未嘗一到于此蓋避是
嫌也曹南冥聞之笑曰何太屑也我自不為雖有

官梁何嫌何避先生曰在南冥則當如彼在我則當如此以吾之不可學柳下惠之可不亦宜乎遺事

東儒師友錄

申平城景禎既翊戴聖主倚毗益隆則遂以國家

自任盡心竭力靡有遺智仁廟常稱以國之長城每以手札密訪機宜公纖悉條對多所裨益而終不使家人知之也碑銘



